

Забидий / ВАҲИЙНИНГ БОШЛАНИШИ КИТОБИ / 924-ҳадис

924/1941 - عَنْ ابْنِ أَبِي أَوْفَى رَضِيَ اللَّهُ عَنْهُمَا قَالَ: كُنَّا مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ فِي سَفَرٍ، فَقَالَ لِرَجُلٍ: «انزِلْ فَاجِدْ لِي». قَالَ: يَا رَسُولَ اللَّهِ، الشَّمْسُ؟ قَالَ: «انزِلْ فَاجِدْ لِي». قَالَ: يَا رَسُولَ اللَّهِ الشَّمْسُ؟ قَالَ: «انزِلْ فَاجِدْ لِي». فَتَنَزَّلَ فَجَدَّحَ لَهُ فَشَرِبَ، ثُمَّ رَمَى بِيَدِهِ هَا هُنَا، ثُمَّ قَالَ: «إِذَا رَأَيْتُمُ اللَّيْلَ أَقْبِلْ مِنْ هَا هُنَا فَقَدْ أَفْطَرَ الصَّائِمُ».

924.1941. Ибн Абу Авфо розияллоху анху айтади:

«Расулуллоҳ соллаллоху алайҳи васаллам билан сафарда эдик, у зот бир кишига: **«Туш, менга толқон қориб кел»**, дедилар. У: «Эй Аллоҳнинг Расули! Қуёш (нури ҳали турибди-ку)?!» деди. У зот: **«Туш, менга толқон қориб кел»**, дедилар. У яна: «Эй Аллоҳнинг Расули! Қуёш (нури ҳали турибди-ку)?!» деди. У зот яна: **«Туш, менга толқон қориб кел»**, дедилар. Шунда у тушиб, у зот учун толқон қориб келди. У зот уни ичдилар. Кейин қўллари билан анави ёққа (кунчиқар томонга) ишора қилиб: **«Туннинг мана бу томондан кирганини кўрсангиз, демак, рўздорнинг ифтор вақти бўлибди»**, дедилар».

Изоҳ: Бу ерда Ибн Абу Авфо қуёш ботган бўлса ҳам, уфқда унинг шафағи ҳали кўриниб тургани учун эътироз билдирган. «Рўздорнинг ифтор вақти бўлибди» деб таржима қилинган жумла «рўздорнинг оғзи очилибди» деган маънони ҳам англатади. Бундан ифтор вақти кирса, рўздор ҳеч нарса емаса ҳам оғзи очиқ ҳисобланади, деган ҳукм келиб чиқади.

Манба: hadis.islom.uz



HADIS.ISLOM.UZ
NUBUVVAT MARVARIDLARI

